


BAKURUBASANNI

(nimoré 12 songo)

Mali kono = Dörôme 300

Afiri kono = Dörôme 600

Jamana werc = Dörôme 1000



Nowanburukalo san 2001

Kunnafoniseben bota kalo o kalo. BP: 24 Telefoni : 21-21-04. Bozola Bamako-Mali. San 29nan boko 358han A songo : dörôme 15

Sariyasunba dakunw woteko lajoli

Goférénaman, tun y'a layidu ta ka wotew ke sariyasunba sariyaden yélémataw kan.

Bëe b'a dòn ko nin kumaw tun fôra lajebaw senfe minnu kéra marayorow la.

A kéra politikónw ni forobabaarakelaw ni jekuluw fe ani mögo faamuyalenw.

Sariyasunba sariyaden bayélémalí te mögo kelen ka kuma ye. Goférénaman y'a taamaw damine kabini tumajan, walasa fasodenw k'u fela fo yéléma ninnu kan.

Jamanajemogo Alifa Umaru Konare y'a jir'a k'a tun b'ale nena ko ben kéra yéléma ninnu kan. Sariyadenw bayélémalitun bë taliké fanga bolili la, ka waatijan ke. Nka an bë don min na i ko bi dòw y'a jira ko yélémaw man d'u ye.

Nin kuma caman minnu fôra, hali n'u tefaso fela jira, ubora fasoden dòw de da.

Fasodenw ma ben kelen kan, hali n'o y'a soro yélémaw kún yemusow ni cew benni ye bi ni sini koso.

Jamanajemogo y'a jira ko fasodenw bëe lajelen ka kan ka ben kelen kan, hali n'o y'a soro u fetaw te kelén ye; sabu a dabora demokarasiko sabatili de kama.

A k'ale jigi ma tige fasodenw ka



Jamanajemogo Alifa Umaru KONARE ko ka sariyasunba dakunw woteko lajo folo.

fasodennumanya la; walasa kow bë se ka sigi bolo kelen kan a tuma na. Yélémaw te se ka ke ben ko. Walasa kow bë se ka laben, k'ale jamanajemogo Alifa Umaru KONARE y'a wajibiy'a yere kan k'a nini goférénaman fe, u ka wotew lajo folo, wote minnu tun ka kan ka ke san 2001 desanburukalo tile 23. Jamanajemogo Alifa Umaru Koanre y'a jira ko ben de bë jamana yiriwa, ka demokarasiko sabatijamana kono. A y'a nini Ala k'an dëme, k'an ka jamana ni Afiri bëe lajelen lakana.

Badama Dukure.

Djë seleke naani kalanko tónba «UNESCO» ka jönjónw

Mun ka nögón ni kalankeli ye walabaw kan sirabadaw la, walima ka segin mobili nimoré kan ? Nka i b'a soro ko mögo miliyon caman bë yen minnu te se nin na. Mögo miliyon 875 ma kalan; n'i ye mögo wooro ta mögo tan cëma minnu si bë se sanji 15 ma, olu te se ka kalan; u te se k'a sëben. Denmisennin miliyon 113 bë fara ninnu kan. Këmesarada la, olu mögo 60 ye musow ye. Saba la, tila fila ye musow ye. A bë se ka fo ko do kéra; sabu san 1950 djë lamini hadamadenw tilance tun ma kalan. Kalanbalya bë ka faantanya nönnabila. N'i ye jamana 25 ta, i b'a soro këmesarada la, 50 bë Farafinna tilenbinyanfan fe minnu ma kalan, ani Azijamanaw la. Wulikajow bë senna walasa ka furaw nini nin lahalaya la. «UNESCO» bë k'a sëbe don kalan ma. San o san, ni djë lamini kalan don sera, «UNESCO» bë jönjónw di mögów ma minnu jijalenw don kalanko la. Berezili, Shini, Hayisi, Nuwëlizelandi ani Senegali tónw ye «UNESCO» jönjónw soro san 2001.

Badama Dukure

KONOKO

Ban koko koko ka resinsa sariyasunba yélémaw na... ne 3
Komini wi ka mögondan... ne 3
Sidi Amrik peresidanka jaama Mali... ne 4
Kati... Marakala... an... Sikasso... dogo... osobaw ye selamiliyon 160 minen... soro... ne 4
Ministri Usman Isufi MAYIGA ko... ka... ca... wugula... ne 8
Senegali ve KUPU KABARALI yaton... ne 9
KUPU KABARALI nana naani ka kundanow... ne 11
Samataségew bë ka mögón farame... ne 12

TOGODAW YIRIWALI (SDDR) KA DONDALALI NGONYEBA

PALE DE KONGERE LA

SAN 2001 DESANBURUKALO TILE 11 NI TILE 13.

A BE KE TOGODAW YIRIWALI MINISIRI ELI MADANI JALO KA YAMARUYA KONC.

Mali goferenaman ye togodaw yiriwali ka bolodalifénw sigisenkansan 1992, ka yelémaw sabati politikiko, sorokö ani forobaci yakeda siraw kan, ani ka fokaben sabati baarakelaw ni hogon ce.

- Ka demokarasiko sabati min dañinenä san 1991.
 - Ka maraceboli kojew sabati.
 - Ka togodawyiriwaliciyakedaw laben ani ka senekelaw ka sobaw cooko.
 - K'an ni jamana tōw kalalijögönnateliya.
 - Min ye togodaw yiriwali ta fan ye, bolodali sera senekelaw ka tonbaw ma.

Goferenaman y'a layidu ka togodaw
yiriwali ke biko ye, ka tali ke yelemw
la ni demebagajekuluw ka deme ye, i
n'a fo dijne lamini yiriwali tonba, ani
dijne lamini senekow ni duminkow
tonba ciyakeda kerenerennenw ka
deme.

SIGIYOROMA FOLQ O be togodaw yiriwali lahalaya jira, k'a fesefese. La halaya don min be tali ke sené, kungodaw anibaganmara la, aniséné bolofaraw ani baarakelaw joyoro. A be togodaw yiriwali lahalaya jira kabini san 1992. A kera sababu ye ka taabotow sabati walasa ka togodaw yiriwali sabati.

SIGIYOROMA 2NAN: Feereba

Ale ye togodaw yiriwali bilama ye. A bë marayorow ka koñew fesefese walasa ka togodaw yiriwali feere sigi senkan, ani san 2025 koñew jatemineli ani feereba minnu bë san 2010 majini. Forobabaaradaw ka taabolow dara kene kan.

San 2010 togodaw yiriwali ka
laninitaw file u ni jamana ka netaa ni
faantanya keleli baaraw be tali ke
noqon na.

- ka togodaw yiriwali jyɔrɔgirinya, ka
do fara balosɔrɔta ni dumuniko kan.

- ka baloko sabati, ka soro ni hadamadenya sabatili ni forobaciyakedako yakubaya; o te taa soro ni senekeciyakedaw galabu keneyalı ko, sabu ciyakeminew ni lahalaya kuraw ka kan ka bil'u ka bolo kan.
 - Ka togodalamogow ka lahalayaw sabati ni balo ni balokojuman ye ani warikon ni keneyasow ni senekeyorow.
 - ka sigidaw lakolosi, ka soro minecogo ne ni sariyaw ni taabolow sabatili ye, ani ciyakedabaw ni senekelaw b'u magon'u la, ka baarakelaw deme walasa ka baloko sabati ani ka kungosorow lakana, ani ka kungosorow bila togodaw yiriwali taabolow kan.

KUNTILENNAA KERENKERENNENW

Olu be tali ke gofərenaman ka ciyakedaw la togodaw yiriwali siratige la. Olu file:

- Ka fanga cębo
 - Maraceboli
 - Ka kenyereyeko sabati
 - Ka dəmə ta ka faantanw səgərə

Kuntılenna kərenkərennen minnu bilalen don togodaw yiriwali ka bolo kan, olu file :

 - ka bolofaraw yiriwa.
 - ka dugukolo lahalaya n'a neema sabati
 - ka togodaw ka juruko sabati.

KUNTILENNNA FEEREW : Olu bə tali ke san 1992 togodaw yiriwali taabolow fesefeseli la, an'a lahalaya. O minena ka bɔ baarakəlaw la, gofərenamankunda, marabolo kunda COPA/APCAM, mɔgo faamuyalenw ka jekulu kunda ani yiriwali baarakəla kunda. Kuntılenna feerə ninnu ye togodaw yiriwali sinsinnanye, in'a fɔ:

 - ka balo sɔrɔtaw yiriwa k'u caya walasa ka yelema don togodalamoqow ka lahalaya la.

- ka ye Mali ni jamanaw kalali kene
kan soro siratige la.
 - ka forobaciyakedaw ni sariyakow
sabati baarake togodaw yiriwali
siratige la.
 - ka maraw ni togodaw konew sigi
bolo kelen kan, walasa ka baloko
sabati.
 - ka kungodaw sorow yakubaga
walasa ka netaa sabati.
 - ka ciyakeminenkow ni
dugumaminenkow lasabati.
 - ka musow ni denmisenninw deme,
ka laban ka noggondeme sabati
togodaw la.

BAARADAW

Olu bora togodaw yiriwali fesefeseli la:

- Baloko sabatili
 - Dugukolow kôlôsilin'u neëma sabatili
 - Ka jiko ni sëneko yiriwa
 - Ka sënefenw, baganmarasorow, kungodasorow ni sors wærew jiidi.

SIGIROMA NAN : FEER

A be tali ke togodaw yiriwali feere la, min bora togodaw yiriwali SDDR ka fesefeseli la, san 1992. Feere konoonton don; u soroli wajibiyalen don san 10 nataw konovalasa ka togodaw yiriwali ka lajinitaw soró. Feere in be ba don bolodaliw la minnu kera ka koro, ani minnu labenw be sen na.

SON KERA BOLODALI MINNU MA:

- Senekeciyakedaw ni senekeetonw; «PASAOP» bolodali.
 - Senekeciyakedadawnisenekekeminew bolodali
 - Senebolofaraw n'u sankorotali bolodali
 - Senefenw, kungosorow, baganmarasorow ni monnisorow feereli kokan bolodali
 - Senefenw yiriwali n'u cayali bolodali
 - Baloko sabatili bolodali
 - Kungodasorow maracogo numan walasa ka yiriwali sabati.

Ban kolokoto ka nesin sariyasunba yelemaaw ma

Politikitonw minnu ni fanga te kankelen fo, olu y'a jini fasodenw fe ko bëe lajelen ka bo'k'a jira ko yelemaaw tufeko ye. Nin kera politikiton caman nena. A laje nemaaya tun be Alimami SILA bolo. «USRDA» politikiton Mamadu Bamu Ture, «CNID» politikiton Muntaga Tali, ani «MPR» politikiton Shogeli Mayiga ni «PARD» politikiton Mamayi Kasoge tun be kene in kan.

Alimani Sila y'a jira ko faamaw b'u ka sebenw bila fasodenw ka sebenw no na, walasa k'u sago ke jamana kono, a k'o te ben.

Muntaga Tali y'a jira ko yelemaaw te wajibi ye. N'i ye sariyasunba yelemaato ye, o b'a soro fanga taabolo yelemana, walima forobaciakeda w'geleya la. Kohalini sariyaden 62 yelemarra, anbe fanga filanan ka hukumu kono, wa forobaciakeda si te geleya la folo.

Fanga ni politikiton minnu te nogon kan fo, oluy'a jira kosariyaden 95 be danfara ke jamana nemogo ni minisiriw ce sariyasoba nefela la.

K'o te ben. A foli ko yerewo lo döront te ke jamana nemogo ye, o fana ma ben politikiton ninnu ma. U y'a jir'a fana ko politiki b'a fe ka sariya lanogo, k'a lafu. A jirala yelema te teme san 1992 fewuruyekalo tile 25 yelemaaw kan. Yelema fen o fen be k'o kofe, o bëc ye seginko ye. Mogoo faamuyalenw fana weleli ye sariya sosoli ye. O koson politikitonw wulila k'u jo ka fasodenw ni dije ladonniya, walasa faamaw ka hakilina kana se ka sira soro.

Politikitonw ma son wotesebenko ma; u ka fana jamana nemogo b'a fe k'a sen don politikiko la. U y'a jir'a ko sanni wotesebenba kojew tun ka lateme «Tata Gurupuma», k'a neñopolitikitonw ni kunnafonidilawye, «CENI» ni «DGE» de tun ka kan k'ake. Politikitonw y'a jira ko togow sebennen tununni jore b'u la. Shogeli Mayiga y'a jira ko jamana nemogo Alifa Umaru KONARE be k'a sendon «ADEMA» ka ceboko la, ka «ADEMA» ka depitew bisimila ka soro ale dama ka kan jamanaden bëe lajelen na.

U y'a jira ko san 1991 jamalajebe «konferansinasiyonnali» jenna ni seben minnu ye, olu ka ni, yelemaaw be na ni

politikimogow kodonni ye nogon na. Politikitonw y'a jira k'olu dalen don a la k'a fo ko bëe lajelen be ban ninan yelemakoin ma. Politikiton «MIRIA» y'a jira ko n'i ye sariya jatemiñe, yelema donni waati ma se sariyasunba la folo. «MIRIA» k'ale be nininkali ke nin yelemaaw kun na, sabu depitesigw be sensen na ka na. «MIRIA» y'a jira ko fen minnu ma ben ale ma o ye yerewo loya dabilali ye fanganini na, ani ko jamananemogo man kan ka kiiri sariyasoba fe. Sariyaden 31 nan ni 95 nan be o yorow kofo. Politikiton «RPM» ka seben minnu bora, olu ni bulonba ka yamarualentekelenye, waani bënkana fana ce ka jan. Sariyaden 13 be yen minnu bayelemarra. Bokari Sali y'a jira ko fosi ma jugu ka ni bo; bulonba ka sebenw yamaruya, goferenaman ka segin olu kan.

Mun na «RPM» mogow be seben ninnu lagosi bi, ka soro u ka depitew y'u ka yamaruya d'u kan, u ka mogoo do fana

tun ye minisiri? Bokari Sali y'a jira k'o yenaniyajugu talen ye k'u ka politikiton segeré. Bulonba sigira fen in kunna siñefila bëe, ka soro ibrahima Bubakari ye minisiri nemogo ye, san 1999.

Tuma min na goferenaman yelemarra, sebenko fana yelemarra. Depitew ye seben min yamaruya, wote tun man kan ka k'o kan..

Politikiton «RDA» y'a jir'a ko yelema yere de waatima se, sabu annikalafiliw ce ma jan. Kiiritigciaw ka sendika y'a jira ko poroze in ka kan ka bo mogow nekoro sabu a be sariya soso.

Parititon «BDIA» fasojigi y'a jini a ka mogow fe, k'u kana wote, walasa ka yelemaaw bali minnu bëna ni «Kuru siperemu» cili ye.

Min ye pariti «UDD» ye, o ko yelemaaw ka kankaka ke. Ale y'a jira ko sariyasunba be san 1992 ta ni san ce.

Alayi Lamu
Salimu Togola
Badama Dukure

San 2002 kalafiliw

Lamini ni sigidaw minisiri Usumani Sini Faransi, Peyiba, Kanada ni dije seleke naani yiriwali ciyakeda mogow ye nogon ye k'u bolono bila seben na min wari be ben sefawari miliyari 8 ni

miliyon 222 ani 26.000 ni ko ma. Wari in be don kalafiliw musakako dafe. A be ke ka wote jiribirow san, ani letereforokow ni dabaji.


Bande M. Sisoko ni Badama Dukure

Komininw ka nogondan



Komininw ka nogondan nena jere kuncera. Nogondan kera komini 115 ni nogon ce. Jönjon folo dira duguwolonwula komini ma ani sefawari miliyon, 100. Jönjon filanan dira Tilémisi Komini ma (Gundamu serikili). Jönjon sabanan dira Baya komini ma (Yanfolila serikili).

Sidi Afiriki peresidan ka taama Mali la



K'a ta san 2001 nowanburukalo tile 2 la ka t'a bila tile 4 na, Afiriki di Sidi jamana nəməgo Tabo MBEKI ye taama də ke Mali la. Minisiri wooro tun b'anofe. Taama in senfe a ni peresidan Alifa Umaru KONARE ye nəgonye dəwke. Jamana fila magobatigw fana ye nəgōn ye.

An bə don min na i ko bi, n'i y'a ye ko Mali kera sanubo jamana 3 nan ye Afiriki di Sidi ni Gana kofe, o sababu bora Afiriki di Sidi ciyakedabaw la. Afiriki di Sidi ciyakedaba də sugandira ka Manantalibabololabara Senegali ba dondalali kama. Afiriki di Sidi, Mali ani Kiba jera ka tən də sigi sen kan min kera sabau ye ka dəgötörö 100 bila ka

na Mali la yan.

Sibiridon don, san 2001 nowanburukalo tile 3, Afiriki di Sidi nəməgo n'a nəfəməgəw taara laadalafen kɔrō laje Tumubu. U ni minisiri nəməgo Mande Sidibe tun bə nəgōnfe, o n'a muso ani jamana minisiri caman. Jamaba ye dunanw bisimila Tumutu fərebə kan.

Tabo NBEKI ye Amədi Baba təgəla kalansoba laje, Kitabu 20.000 bə səro yoro min na. A ye bololabaarakelaw ka yorō laje, ka fara bən sabatili walew sinsinniyorō jəli kan, min musaka bə se sefawari miliyon 400 ma.

Mamadi Kaba ni Badama Dukuré

Kati, Marakala ani Sikaso dəgötörəsobaw ye sefa miliyon 160 minənw səro

Malini Sinuwajamana ka jekabaaraw la, kəneyako joyoro ka bon kosebe. San 1967 desanburukalo la Mali ye minen kufolow səro ka bo Sinuwaw yoro; kabin'o kera Kati, Maraka'a, ani Sikaso dəgötörəsobaw fana y'u ka minənw səro. Nin yoro saba mogow dalen don kosebe Sinuwaw ka dəgötörəw la. Ube sedakabana walew la kəneyako siratige la.

San o san bənkan kelen bə teme Mali ni Sinuwajamana fila furance la kəneyako kadara kōn. Bolonə bilala ninan ta la san 2001 nowanburukalo

tile 13, sinuwaw ka kəneyako tigilaməgo ni lasigiden Liyangi Shawomini ni Mali kəneyako tigilaməgo Mamadu Adama Kane fe fura ni furafeereyoro kərenkerennən na. Kabini bolonə balala səben in na, a səmentiyara ni minənw dili ye, minnu bə kesu 58 kōn, n'u girinya ye toni 14 ye, n'u səngə bə bən sefawari miliyon 160 ma. U dira Zefiyangi sigida fe; olu ka cidendəw tun bə Mali kōn yan.

O. K.
Badama Dukuré

Ka bə Jene

Amerikənjamana lasigiden ye taama də ke Jene min senfe. Jenekaw ka babilikurunkarili nənajew nəmogoya tun b'a bolo. Babili musakaw bənna sefawari miliyon 45 ma.

Lasigiden ni Jene faamaw kelen ka nəgōn ye, a y'a jir'u la ko Falo babili musakaw bəs lajelen bəna bə Amerikənjamana kun.

Jene alimanı y'a bisimila, ani silamejekulu. A ye gafe 500 d'olu ma. Liburu intəgoyeko: «Amerikənjamana silamejekulu ka dinəlatige cogoyaw». A ni silaməw da sera silaməya yəre cogoyaw ma, ani banbaanciwa ka walew.

Badama Dukuré

Jene misiri nənəmayara

Amerikənjamana ka lasigiden ye fiqədimansin wantilateri) 100 di Jene misiri ma, wa u donni musakaw bəs lajelen bə bə Amerikənjamana kun.

Nin wale in kera taama senfe a ye min ke Jene, ka t'a nəda Jene misiri kan. Jene misiri min lakodənnən k'a ke dijə fənkərə lamarata numan do ye. Nin bəna ke sababu ye ka misiri dungew ni lajəlikela miliyon caman lahinə, minnu bə bə yoro wərew la.

Badama Dukuré

Amerikənjamana ye liburu 10.000 di Kulukorokaw ma ka kalan sabati.

Amerikənjamana ye kalanminen caman di Kulukorokaw ma, walasa ka kalan sabati. Liburu bə minən ninnu na, minnu musakaw bə se sefawari miliyon 910 ma. U bə ke sababu ye ka santiri 10 ka ciyakəminənko sabati. Dijə laban dənni kunnafonilasagor mansin (əridinateri) minənw fana bəna sigi o yorō la.

Nin liburu minnu b'an ka kanw na, u bəs lajelen labənna anw yərew ka fasodenw fe, Nono; a musakaw bora Amerikənjamana kun.

Badama Dukuré

Ka san duuru ke ka sunogobana dimogo kele

Kabini san 1969, sunogobana tun banna; nka, an be don min na i ko bi, a be ka segin kokura, sanko Afiriki tilebinyanfan fe. Keletun be yorominnu na i n'a fo Kongó, Sudan, ani Angola, bana nin cayalen don yen kosebe. A be mogo hake min faga, sida t'o faga. Jamana 37 tilance saba bee ye sunogobana dimogo ninnu dagayorow ye. Dijne seleke naani kene yakow tonba (OMS) ka fo la, bana in sera mogo minnu ma, ani bagan hake min ma a ka ca ni miliyon 60 ye. San o san banabagato 45.000 be fara banabagato 300.000 kan. Dijne kene yakow jekuluba ka fola 25.000 ni

be to a la. Dijne seleke naani balokoni dumuniko tonba ka fo la, san o san bana in be misiw ni sokonobagan miliyon 3 faga. Musaka min donn'a dafe (baganw ni hadamadenw), o be se sefawari miliyari 4,5 ma, sankono. Senekelaw jenna kene min ko, o be se baameterekeme miliyon 10 ma. Farafinjamanaw nemogow wulila k'u jo walasa ka sunogobana dimogow kele. San 1957 Zanzibari y'a kele k'a ban pewu. O y'a kele ni fenjenemafagalaw ye, ani cew ko fagali. Donnibaga 400 minnu sigilen don sunogobana dimogo keleli kama, oluy'a jira ko fura were te sunogobana

na sunogobana dimogo keleli ko. Labenw be ka be dimogo in keleli kama. Burukina Faso ni Mali y'u kanbo, walasa ka dimogo kele ka b'u ka dancew la.

Fen minnu be bana in kofo, olu ye kunkolodimi, farigan, segen, neje, ani diminyerema ye. N'a sera kunkolo sema ma, o y'a bannen ye. Banabagato te b'o la. Dimogo in be balo joli de la. N'i y'a ye kuma te ke sunogobana in kan kosebe, o y'a ye K'a be Afiriki togodaw de la. Ariseniki y'a fura ye. Nka jininikelaw y'a jira ko fura kura werew tena soro bana in nasan.

Kunkolo fila bore kelen kono

Nizeriya jagokeduguba polisi ye kamalen do nomine k'a soro kunkolo fila b'a bolo bore kelen kono, a bolito n'u ye ka don mobili kono.

Lakalitaseben «Pensi « y'a jira ko kamalen in ye kaburudon kolesibaga ye; a y'a layidu ta bolitigiy ye k'a be hadamaden farikolo tige-tigelen las'u ma. Kunkolo kelen songo be se «neyira» wari 400 ma walima 6000 : olu be ben sefawari waa 25.000 ma, walima 3800.

Badama Dukure

Ka bo Misirajamana na

Misirajamana sariyatigeso ye jamanaden 23 nomine mogo 32 cema minnukera sababuye ka cenimusoya ke cew la, ka dankari silameya la. Hadamadenya sabatili tonw be ka nin ko laje kosebe, k'a kolosi.

Sariyasoba ye mogo folo minnu nomine, olu donnna san 5, san 3 kasol la. Mog 21 donna san 20 kasol la ani san kelen.

Mogo 22 tow bilala. Mog 52 ninnu minena mekalo tile 11 Misirajamana galoduguba kono, n'o ye Keri ye, Jikankurun do sanfe, u tun be ka min

ke donkeyoro ye, ka dakabanakow doron k'a kono.

Kajeniceye, ojalelent Misirajamana sariya fe; nk'a jirala ko sariya caman b'a kon.

Badama Dukure

Nizeriya muso do sugandira k'a ke dijne sigidoolo ye

Nizeriya muso cejuman Agane Dareyo kera dijne lami muso cejuman ye Sunni Siti, Afiriki di Sidi jamana kan. A be dijne laban kalan minna oye Kunnafonilasagon mansin (enformatiki) kalan ye. Misi Aruba zereyida (Antiyi jamana), ni sariya lakoli kalanden don, okera filanaye; Ekosika Misi Zuye Zani Hörini kera sabanan ye; ale ye kalanden ye lakalitajinnaw ka lakoliso la. Dolariwari 100.000 dira dijne lami Misi ma, o be ben sefawari miliyon 70 ma.

Nizeriya sigidoolo ko k'ale te se ka fen fo nin na nisondiya sababu la. Ale dara min kan n'o ye Endiyenni Piriyanka Shopara ye, o deye jala da ma. Kabini san 1951 ni nin sugandi jenajew sigira senkan, nin y'a siye folo ye jala ka di Afiriki muso do ma. San 1994 ta kera Sidi Afiriki faraje do

ye, n'o ye Kiriyeli ye. Ninan ta in b'a fe ka ke fini sankortalan ye n'o ye «maniken» ye.

«AFP»
Badama Dukure.

Niyoriki lakalitasaben ye Amerikenjamana yoroba mogo fagalen hake da mogow tulo kan.

Mogo 2.950 de ni tora amerikenw ka yoro barikama in tineli senfe. O ni mogo fagalen hake min fora meri mogow fe, olu ce ka jan nogonna i ko jegejalan ni baji; olu tun ko mogow 4.764.

Walasa ka si ka nin hake in soro lakalitasaben in ye baarakelaw ni tasumafagalaw ni pankurun konomogow ni jamakulu werew fara nogon kan minnu ni baaradaw tun te fan kelen fe.

A y'a jira ko mogo caman werew, temebagaw, yoro barikama in filebagaw ni mogo fagalen caman be yen, seben te minnu bolo. Ninnu si togow ma fo.

O kofe jagokela minnu tun be yoro in kerefe, olu m'u ka mogo fagalenw kofo.

Badama Dukure

Nemogow te Kibaru n'an ka kanw kalanni jate

Kibaru ye boko damadow ke; an b'a y'a kono k'an ka nemogow te kibaru jate; o'y'an kabi nemogow ye; minnu temena olutun b'a jate wa ? Mun na sisani taw t'a jate ka soro an be beejfanga la.

Adama Kanute

N'i ye ne yere nininka, minnu be kibaru seben ani minnub'a kalan, olu de no don. Mun na ? Beejfanga te taa kalan ko; a te taa kodon ko. Minnu te ka kibaru jate, n'u taara fanga nini na, u be mun ni mun f'aw ye ? U te dower f'anw ye : an b'aw ka lakolisojo, ka koba w'rew k'aw ye; a si da te maga balikukan na. Aw fana da ma deli ka maga a la folo; olu be se k'aw jate cogo di; n'i y'a men ko mogo kerifé, ikeri yere fe folo.

Ni nma ninjamana werew mogow nan'ka wolokanw kalanko ni kunnafonisbenko misali ta Mali kan, k'a nini k'an ladegé. An be don minna i ko bi, olu ka baara misen caman be k'u ka kanw na. An kerefe jamana do y'a jira k'olu ka bulonba la, olu ka kanw d'or'on de be fo yen. Anw m'a fo ko k'an ka kanw fo bulonba la; nka an ka mogo soro min b'an ka todunkan f'an ye. Mali marayorow ye segin ye; olu be se ka kene cogodi ka fobaga do bila bulonba kono.

Jatemine kalafili minnu be ke, ani boloci togosben minnu be k'an ka togodaw la, cikelaw yere be se k'o baaraw ke an ka kanw na. N'a fora ko ka mogo wuli ka t'o baaraw ke, o musakaw te doonin ye. An be min nini fangaso nemogow fe demokarasi tile in na, o y'u nesinni ye togodalamogow ma, kajamana kayiriwali ni bonogola sira teliman bo ni cikelaw kalanni ye an wolokanw na, walasa u ka se k'u yere jenabé; o temenen ko, u ni fangaso ka kan kelen fo, ka nogon faamuya sira bee kan.

Adama Kanute

Animateri tekiniisiyen Arajo Kiledu.

Beledugu tijena ninan

Sanji desera beledugukaw la ninan. Jo, tigaw, kabaw, ninnu bee jara. Malo ma wolo yere. Koori feerew bonna. Tile y'a den folow ja. Beledugu tijena ninan kosebe.

Gonba Tarawele
Doribuguni Kolokani

Faamaw te senekelaw jate

N'i y'a laje, jamana te se ka taa ne senekelaw te. Nka n'i y'a kolosi i b'a don ko jamana nemogow te senekelaw ka netaa jate kosebe. Sabu'an be don minna i ko bi senekelaw be kogobore kelen san d'orome 550. Taji litiri ye d'orome 65 walima 70 ye; sukaro kilo ye 85 ye; tiga kilo ye 30 walima 32 ye. Ninnu ye fenw ye minnu be senekelaw segen kosebe.

Zaki Kane
Tilelaji Kolokani

Wotoronin be na ni kasaara ye

Ne ye fen do ye Bamako yan min man ni fewu. Mogominnu be wotoronin boli, u be wotoronin yere minne, k'a kala sin mogow ma k'a boli. A bolicogo be se ka na ni kasaara ye min be mogo soro min t'a tigi yere ye. O kofe, an be don minna i ko bi, Bamako yan, mobiliw ka kasaaraw cayara, o ye ne kamanagan. N'u ma dabaliw tige a la, dadigi kera mogow la ten. Ni mobili sankun ye mogow ye, a be nini ka ban mogow la; sanga ni waati bee f'orokili. Ala ka ce ni muso bee lakana !

Burama Jalo
Bamako Sabalibugu

Sonsannin ka komoko

Tine yere la fen kelen be yen ne ma min faamuya cogo si la. Nemogow mana kuma, ko senekelaw ye so cemancejiriw ye. Nka ne ma kewale fosi ye min b'a jira senekelaw la k'u ye jamana sinsinberew ye.

Mogow b'a don fen minna k'u ye jamana sinsinberew ye, o ye arajomaliye. Nemogow minnu b'a jira ko senekelaw ye jamana sinsinberew ye, n'olu bor'a la ne b'a nini senekelaw fe, u mana ke yoro o yoro, u ka nefoli ke kibaru kono, walasa anw minnu t'a don k'anw ye jamana sinsinberew ye, an k'a don.

Neb'a nini nemogow fe, ukana senekelaw ta ke kumadumanko d'or'on ye, bawo do kera sa ! N'o ma ke senekelaw ta kelen be sonsannin ka komoko ye. Ko sonsannin ye komokuntigi ye; nka ni komo bora, sonsannin b'a dogo.

Sumayilake Kulubali
Fasumaku-Kolokani

Bee te bamanankan men

Ne be kuma farikolojenajeko kan, kerenkerennnenya la ntolatan. Kunnaфони

minnu be di arajo la, olu bee lajelen be fo nansarakan na. ntola kanubagaw ka ca; nansarakan menbagaw man ca.

An ka ntolatana «KAN 2002» min bena se, a hamibe maliden bee la. Uka laje ka kunnafoni d'ow di bamanankan na; ka d'ow di nansarakan na. Ola bee n'a niyoro soro. Uka laje fana ka kunnafoni caman di kibaruseben kono bamnankan na.

Mamutu Koyita
Balikukalankaramogo
Komine-Joro-Segu.

Dugu saba lakoliko

Tonsigi do kera Munana, Kin ani Kanna fe lakoliko kan; a nesinnen tun don denmisew ka lakoliko ma, sanko u ka dugubakonotaga.

Ce 32 ni muso 2 tun be kene kan. Goferenaman ka lasigiden tun be yen, ani Falu mara «APE» nemogó Mamutu Buware, an'o ka sebennikela Yusufu Buware, ka fara Karamogotogoman Berete kan, ani mogokoroba w'rew. Lakoliso nemogoba tun be kene kan, n'o ye Daramani Cemanna Tarawele ye. Ben kera fen minnu kan, olu file :

Ni den donna lakoli la, n'a taara yoro do la min b'a ka lakoli tijé; a be nangi. Sariya folo ye tile 15 ye; o konona ma ni den ma na, n'a nana a be d'orome 1000 sara. N'a temena tile 15 kan, a be d'orome 2000 sara. Fo ka se kalo saba ma. N'o dafara a be sefawari 10.000 sara.

Nima son osima dugut'ika hadamaden mago minnu dilan olu file : Kono, saya, denkundi, boloci, konomapese, misisogo, koorisiko, koripeseli. O kofe mogo si den te d'i ma furu la.

Ni mogo min banna nin bee lajelen ma, o tigi be dugu bila. Dugu saba benna ninnu kan. Ni nin te, an ka dugu lakoliko tun bena ke fu ye.

Kelifa Kumare
Kin-Falo Komini-Bila.

Samiye ma k'anw sago ye

Samiye kuncécogo ma ke senekelaw sago ye anw bara ! Tine yere la a ma ne. O sababu bora sanjiko la, bawo a tigera kasorowaati ma se. Onana ni dugukoloja ye, fo ka se foro caman jali ma. Foro dow be yan, sumantige tona don minnu kono ninan. Anw senekelaw de ka kan ka tow balo. N'a fora k'anw yere kasaarala, a ko kera baara ye.

Cekoroba Gasiton Tarawele
Basabugu Falaje Kat

Ofisi maloko

Né bë nin bataki in ci kibaru ma Bamako ka kibaruya di sigida cogoya n'a taabolow kan. Anw sigiyoré bëlennen don "Ofisi" ri la, Kurumari. NKA ne ka jateminé na, waati téménna Ofisi kelen don samasogo ye jagokélaw ni bankiw ni yuruguyurumogow bolo k'a sababu ke Ofisi di Nizeri nemogow ka baarabaliya n'u ka yérelabila ye ko demokarasi. O dun te mögöw ta nögön ye. Séné ma dabo fosi kama dunkafa ko jamanadenw fe. Olabilali kelen don sababu ye ka Ofisi ke bolokofefen ye. Mali goferenaman bolo. Nimogomin'yisigi k'ala je, n'komalo séné i ko ji; n'i ko maloséne tubabunögö, waninu kelen don jagokélaw ka damandinge ye bi. Ofisi kelen don ka ciyakéda dow sigi sen kan ko zesiyon (jijagolaw). San o san olu na do fara jisongökán; ninanta kéra sefawari döröme 540 ye. Angere jagolaw fana ye do fara taari kelen angere sòngo kan k'o ke sefawari döröme 3024 ye.

Banki minnu bë angere di cikélaw ma, taari kelen o kelen angere bëre bë k'o la : finman fila ni jeman 4. O la sa, angere finman bëre kelenn'a kono bëben sefawari döröme 2412,2 ma; jeman bëre kelen o kelen n'a töö bëben sefawari döröme 2240 ma. Kemesarada la, o bëben 12% ma nafolo in na.

Ni juru min bë don kolonw na kalo 5 kono, n'Ala ma mögo min garisege, ka bën waati ma o tigi b'a si to ke o sarali la. A te ban fewu. Misali la jagobanki «BNDA» ni sörödasiw ni marifaw bën'usig mögo da la.. O ni te lebuli la, ani haujaleny siginögöñ ce la don'o don.

Nka bamananw ka kuma don ntalen do la : Fen o fen mana su sörö saya y'a sababuya. O koro te döwëre ye: fen o o fen mana. Mali sénékelaw, n'a baganmaralaw ni monnikélaw sörö, Mali goferenaman no don; bawo Ala ma nin kunkow ke nemogow hamí ye föö. Sabu an b'a men ko san o san setigijamanaw bë tubabunögö «k'a Elip» min di sénékelaw ma dëmë kama, sénékelaw t'a sörö, sanni na sonko k'a ni u la. Ne bë n'ka kuma kuncé ni dugaw min ye. Ala ka Mali nemogoya kalifa mögo la, jamana kanu bë min na.

Ibarahima Jara Animateri
Surukutu Dogofiri Diabali

Mali sendikako geleyaw koorisene siratige la

Ni sénékelaw ka sendika tilala fila ye, nafa t'o la. An bë fen minnu pini semudete ni goferenaman fe, an t'olu sörö. Ne yére hakili la sendikaya koro ye cidenya de ye. Ni min fôr'i ye duguma, i b'o lase sanfe. Ni min fôr'i sanfe la i b'o lase duguma.

Sisan «Siköpu» b'a fe ka sendika ke politikitöye. Ama s'o yoró ma folo. Sisan u bë ka wari bo ka töndenw nini. Sénékelaw ka kan ka hakili sörö kow tacogola. An m'a fo k'an te siköpu fe; nka an y'a jira ko ka biro yéléma. Mun nana n'o hakilina ye sénékelaw fe ? Siköpu y'a jira ko sénékelaw ye tiyatiribolaw ye; koi mekalo jora sénékelaw be koori séné.

I mana geleya fen o fen ye kooriko la siköpu no don. Anw koni te siköpu fe tugun.

U y'a jira ko n'u ka manda ma dafa, u te bo yen; n'i ye koorisene law sigi keme o keme, i b'a sörö bikononton ni duuru te siköpu mögö fe. Ko fen te dingé kono, e dun te bo dingé da la mögö wëre k'i jo yen ! Hali ni mögö min te tulo don, i ka kan ka bëre dasiri yoró don. O kofe, u bë ka forobawarita ka kanpani k'en'o ye. An ka sabali ka hakili sörö, k'an ka söröw n'jini.

Bakari Kone Animateri
Kinana Zayéri Namala sekiteri Kolonjeba.

An ka feerefewn mögöya

N'ka korofo bë «kani 2002» kan. An ye laben caman ke; ka ko caman ke; nka kuma min, ni ne bë sunögö ka wulin'na ye, o y'an danbe ye, n'o ye jatigiya ye. Ne koni fe kupu söröla o, a ma sörö o, an k'an danbe laje; an kan'an danbe feere, ka feerefewn geleya, k'u se songew la u te san mimu na koro, han !

Nidunanw taara u ka jamana kan, an ka Maliba tin te don u la dë ! An ye geleya minnusinsin, u te wulika b'ankan abada. O'y'an danbe feerelen ye. Ala k'antang'o ma. O la, ka togo numan d'an ma.

Mamadou Mariko
Falako Madunin Banko Joyila:

Selenge y'anw kasaara

Anw fe yan samiyé nena kosebe. Nka Selenge barasi ye ji bilali min ke, o kera tijeniba y'anw fe yan, bawo dugu sigilen don Sankaranin balolo da la.

Koori taari 6, malo taari 80, keninge taari 20, kaba taari 25 bee tijéna. O b'a jira ko geleya tun b'an kan..

Fen min ye sanjiko ye n b'a jir'aw la ko kalo 9 tile 30 sanji nako 50 kéra. Obenna milimitere 944 ma. Salon san 2000 kalo 6 fo ka se kalo 9 ma, o tile 30, sanji ye nako 46 ke. Obenna milimetere 978 ma.

Dirisa Kante Animateri
Guwala Kuruba Kati

Bajiko kéra kabako ye !

An y'a ye jabaranin na ko bajji donna Bamako dugu kono fo ka dow wuli ka b'u no na.

Anw dun ka baara ye maloséne ye. Hali jikelen ma don malow koro. Nin ye kabako ye. N'i y'a men malo, a fo ji.

Bayini Sako Balikukalankaramogo,
Dogofiri Kaado kin.

Cefurulenw ka tungafetaa

Cé dòw bë yen minnu bë musow furu ka taa tunga fe k'u to yen. O ye fen ye min man ni. Musow bë meen ka sörö ce ma na. Fen caman b'o kono. Cé ka tungafetaa ye waajibi ye; nka ka taa tunga fe ka muso filien to yen; o ye fen ye min man ni.

Konba Jara Musokuntigi
Sananko Falaje Kati.

Kominiko mankanw

Ne ye Kominiko mankan dë ye kibarusében kono. N'bë misali ta Séminé Joliba kan. Meriko mankan bë dugu filan'jögö ce. N'i ben dun te yoró la hère te yen. N'b'a nini faamaw fe u ka wuli k'u jo yali ben bë sabati Kominiw ni jögö ce. Fosi te ben bo. Ni ben te komini te, yiriwa; ni ben te, duguw te yiriwa; ni ben te, jamana te yiriwa.

Sori Bacili Abijan BP. 1025 Kôdiwai

Siginiden falenko

Cemogo Male y'a jira kibarusében kono ko sginiden «sh» ka kan ka falen walima k'a t'a no na. Ne koni ka jate la, a ka kan ka falen sabu tow bee yelemba, minnu nena kosebe.

Soyibajan Jara
Kodumandaia-Nonko-Komini-Kolokani

Minisiri Usumani Isufi MAYIGA ko jō ka ca wugu la

Mali farikolojenenekow minisiri Usumani Isufi MAYIGA yetile damado taama ke, san 2001, nowanburukalo tile 16 n'a tile 19 ce, duguw ni nogon ce, san 2002 KUPUDAFIRIKI balontanw bëna ke minnu kono. Minisiri yere y'a don ko «KANI 2002» baaraw be yoro min na sisan, a ni sigi te beñ. O de kosoñ, a wulila ka taa Afiriki tulonba in baaraw taabolow laje, n'u ka ni wali n'u man ni. Nibaara keta tow ka ca wali n'a to te bëre ye. A jirala ko minisiri Usumani MAYIGA wulila a tuma la, bawo taama in kera sababu ye ka degun caman lakovon minnu be ka baaraw lasumaya ani ka feere caman siri gelyaw latemeni na joona-joona.

Farikolojenaje minisiri ni baaradaw nemogow dara nogon kan taama in na, baarada fen o fen sen be KUPUDAFIRIKI labenw na, i n'a fo : negejuruso ni waribonw ni kurandilanyoro ciyakeda taw ka fara Mali KUPUDAFIRIKI labenni jekuluba. KONANI ni labenniko ni baaraminenko ni pankurunko nemogow kan. A y'o ke, k'a masoro tigaworo nogon ko de b'a fara caya. Minisiri tun t'a fe mogo yeleke fosi kana don a ni baarada ninnu kuntigiw ce, barisa men dan ye mentigila ye. Kunnafonidila minnu tun be minisiri nokan, olu y'a jira ko taama in tun b'a kun bo, bawo k'a damine Bamako ka teme Kayi ni Sikaso fe fo ka na se Segu ni Moti, farikolojenaje minisiri taar'a soro baaraw ka suma fan bee, wa u jolen don yoro dow yere la, k'a sababu ke kunnafoi numanw sorobaliya ni nogonna faamubaliya ye baarakenojogni ni nogon ce. Misalila, magobatigi caman y'a jira k'olu ka baaraw lasumayali ju bora waribonw na, k'a soro u ka juruninisebenw yere ma se bankiw la folo. Minisiri ye soro magobatigi ninnu nininka k'o tuma, u y'u ka sebenw ci ka taa yoro jumen? Ukajaabi kera Malinafoloko minisiriso ye. U y'a jira minisiri Usumani Isufi

MAYIGA la, k'a for'olu ye k'u k'u ka juruninisebenw bee ci nafoloko minisiriso la, wa u y'o de ke.

Minisiri y'u bo Kunpan na, k'a jir'u la ko kunnafoi ma lase u ma konuman, bawo nafoloko minisiriso te se ka mogo si deme baara ninnu musakakowla. A ko goferenaman de ye jigida nafolo do bila bankiw la u kama ani k'a nini o waribonw fe, u ka magobatigiw ka jurudonko teliya ani k'a nogoya, KUPUDAFIRIKI kadara kono. A jirala ko nagami tun b'o jigida wariko fana na, bawo soro magobatigi caman tun hakili la, ko goferenaman ye warimugu yere de bila u ka bolo kan bankiw la.

Bankiw ciden minnu tun be kene kan, olu y'u nen don o filiw ni nogon ce, k'u latilen. U da sera u ka deme folow ma, minnu nafolo kasabimana fara nogon

daliluya d'i ma min be se k'i hakili sigi koseb'a ye k'i ka julu sara, a ka gelen banki ka julu don o tigilamogo la. A ma ne minisiri yere farala waribontigiw kan k'a jira kayika do la, ko «Konte» t'o bolo banki la, o dun b'a fe banki ka julu don a la ni kan jumen ye?

Kayi dugu kono, minisiri ye foli ni tanuni lase Sinuwa ciyakeda «KOWEKI» mogow ma, Dagi - Dagi pankurunjiginkene baara la. Nk'a k'a jorelen don baara to laseli la sarati kofolen kono, bawo «KANI» sera k'a ban. Baara kologirin dow be yen halisa, in'a fo : pankurunjiginni kolosili be ke yoro minna, o sow «witiriko» ani sirakoni jilaseli yoro in ha, olukow ma jenabo folo. O dun te baara fitinin ye, ka tila ka tasumafaga mobiliw ni pankurunw joyorow ntanya far'o kan. «KOWEKI» ka ciden ye layidu ta



kan, a be t'a jo sefawari miliyari 12 nogonna na. Waribonw ka mogo yamaruyalenw y'u kan di minisiri ma, k'u ka deme tena kotege «KANI 2002» baarakedaw la, nka u be min nini u fe, o ye bankiw ka jurudon sariyaw labatoli ye. O yoro la, u y'a jira ko n'i y'a ye i be julu don mogo la, o b'a soro jigidalan b'o tigilamogo bolo, hali n'a kera doonin ye. Nka mogo min ka warit bila i ka banki la, wali mogo min ma

Usumani Isufi MAYIGA ye k'u ben'o baara tow bee lase sanni san 2001, desanburukalo tile 30 ce, n'o be ben awiyon folojiginni don ma Dagi-Dagi pankurunkene kan.

Ajiralako Tabarako pankurunjiginyoro min be Sikaso, o gelyaw ni Kayi Dagi-Dagi bee ta ye kelen ye. Nk'ale baara bonya te kayikaw ta bo, bawo gudoroni, ka kan ka ke sira min kan yen, o ye baameter 2 dörön ye.

Senegali ye KUPU KABARALI yalon

Min ye sisow ye n'olé bë wele ko «KANI-TOGORAW», olu fana kunnafoni daw ka ci daw man di. Kunnafonidumanw ye balon bëna tan dugu minnu kono, olu dunanbisimila «wilaw» bëe joli ye k'u ban pewu. Nka min man d'an tulo la o ko la, n'a te ne féri kô, o ye siso ninnu lasoroli gëleyaw n'u yorow labennibaliya ye.

«Wilaw» bëe lajelen hake ye 232 ye. «Wila» 64 jora Kayi; Sikaso ni Segu ta ye «Wila» 60 ye; «Wila» 46 bë Moti. Minisiri ma dan sorò nin dakabana sow joli la an ka jamana seleke naani na ka tila ka soparilan numanw k'u kono.


Nka min ye minisiri dusutiné yoró ye, mögo te se ka don u kono folo, bawo u lasoroli te kolokolo ye. A ye min jini sotigiw fe, o ye «wila» ninnu baaraw bëe banni ye san 2002, zanwiye kalo tile 4, n'o b'i n'a fo tile 15 sanni KUPUDAFIRIKI ka damine.

A y'o sarati kelen de di dugu kelen-kelen bëe kono dögötérösoko ni balontanyoroko ni «KANI» baara taw bëe lajelen tiimeli konuman na ka ben n'a waati ye. Minisiri k'u ma, k'a y'u ka layidu men; nka mögo te bë dunun koro, ka t'i kònbara konkón.

O tuma ni kuma min bëe min fe, o k'o fo bëe lajelen jéna sann'u k'u kodon nögon na, bawo dökera kumamugu la. Minisiri ma dugu si to yen, bawo a ko Bamako togo ka bon cogo min na KUPUDAFIRIKI labenni walew la, fén caman bëe yen minnu m'a nekoro fa, i n'a fo : jamanakuntigiw bisimilaso ni kunnafonidilaw ka yorowni kuranjuruw lakanacogo. «KOWEKI» ka ciden y'a kan di o baaraw bëe keli la a cogo la sanni sarati ka dafa.

Taama in bë kuncé waati min na, Mali farikolonejaje minisiri Usumani Isufi MAYIGA y'a jir'a ka köröfolaban na, ko tine yere la, nisondiya minb'ala «KANI» laben tiimeli konuman na, k'o jore t'a la, bawo a dalen don malidenw ka fasokanubaganciya la cogo min na, a b'a don k'a da te t'u la.

**Solomani Bobo TUNKARA
H. KUYATE
Basiriki TURE**



Senegali balontanna warabaw

San 2001, nowanburukalo tile 11, marisikalo tile 26, togola farikolonejaje yoró la, KUPU KABARALI janamine - ñana fila ye nögon kùnbèn, n'o tun ye Senegali ni Ganbi ye. KUPU KABARALI tun tununna Senegalila ka san 10 nögonna ke, nka u y'a gen ka n'a min Mali la. Ñinan y'a sine 8 nan ye, Senegali k'an ka mara jamanaw ntolatan ñanaw ka ladiyalifen in ta, min togó dalen don Amilikari KABARALI la, n'o tun ye Gine Bissawo fasokunmabo cefarin do ye, min y'a sen n'a bolo don, k'a ni di Gine Bisáwo ka horonya nöfe. KUPUKABARALI kuncé balontan min bë wele ko «Finali», n'o tun bë Senegali warabaw ni Ganbikaw ce, a ma ke o si ntola dumanba ye, nka a sesorò tun bë Senegalikaw ni kan ninan. U ye san 10 min ke a kô, o minnogoba de tun b'u la, wa u y'o balontan de fana ke ni Ganbi ye.

Senegali ka nankamaden min kéra KUPUKABARALI in bindonna waraba ye, n'a togóko Usumani NDOYI, o yere y'a jira k'u y'u laben sira bëe kan ka na Kupu in nöfe Bamako. A folo, u ye san 10 minnu k'a kô, o dusukasi tun b'u la, ka fara u desseli la Ganbi la sine saba. O de kosoñ Senegalikaw ma tulon ke



Mali KUPU KABARALI kùnbèn na. U'y'u disi da jamanaw bëe ta la ni sebe ni dusu kelen ye. Anb'aw ladonniya ko Usumani NDOYI de kéra Mali KUPU KABARALI ntolacila ñana ye. A nögon ma ye këne kan. Kabini jaratigebaga ye file fiye ko ka balontan damine, Senegali warabaw ye balon k'u sago ye.

je 10

KUPU KABARALI

U ye Ganbikaw godon, k'u sama, fo k'u n'en bo, u da kono sègen bolo. A ma ne Ganbi nkɔsonw ka degekaramogo yere sonn'a ma, k'a jira ko wɔlofow ye balontununula, k'u ka feere tigelenw bëe kɔkari.

Nindon Ganbinjana minnub'ujeniyoro fin sanga ni waati bëe n'u dɔnko jirali ye kene kan fadenw na, n'olu ye Ebu SILA ni Idirisa SONKO ye, Senegali warabaw y'olu dëre i ko ténburu nɔrɔlen lètèreforoko kan. U ma firifiriyo fansi soro. U man'a fo k'u be bo ni fan o fan ye, u be t'a soro o wo gerennen don u ne.

Ganbi nkɔsonw ka degekaramogo nana yelemanin don a ka ekipu la sanga 30 nan waati la, walasa ka feere kura dabali. Okadara kono, a ye Bayi Umaru SANBA ladon. O yelemanin tun b'a fe ka fisaya, bawo Ebu SILA ni Aruturi GOMEZI ye bi damadow je, minnu tun be se ka tijeni lase Senegali warabaw ma. Balontan kunfolo sangà 44 nan waati, Ganbi kofe ntolatannaw y'u kunda Mamadu JABANGI kan, u ka joda la. Fen filà de tun tora u ye: u k'a to yen a ka bi don wali u k'a caron. Ganbi jolakanabaga ye caronni fisaya ni bi donni ye. O la, Musitafa MENTE ma filake, a bolila ka na Senegali Mamadu JABANGI walon k'a firi a da kan. Jaratigebaga y'ofile fiye Senegalikaw kanu na, k'o ke nɔyi ye, n'an k'o ma «penaliti», Usumani NDOYI ye min kari a ka jo la. O kera Senegali ka bi folo ye.

Lafiyabo bannen kɔ, cew bora tuguni kene kan. Sanaga 63 nan na, Ibarahima JEDU ye balon numan do dulon Abudulayi KEYITA ni Ganbi jolakanabagaw ni nɔgon ce. Abudulaye KEYITA y'i to boli la k'o balon ci Musitafa MENTE ka jola. Daga wulila, sonkalo ma ye. Wɔlofow nan'u dɔnkon'u sekobee feesen kene kan, u balimatungarakew nɔna minnu sigilen don Mali la, n'u nana warabaw jukoromadon ni sabari ni don ni tegere ye, marisikalo tile 26 tɔgɔla farikolonejeyoro intan lankolon don, bawo Bamakokaw y'u ban ka taa ko

samatasegew ma ye nɔnamine nɔnaw ka kene kan. Nka o si ma Senegalikaw bali k'u ka ntola kolonkolon, i n'a fo farikolonejeyoro in mɔgo 50.000 dafalen b'a kono k'u laje.

Senegali warabaw kera i ko falikutigelenw, u be Ganbi nkɔsonw sama, k'u foofo cogo min na ani yoro minna, ub'a këten, ikou b'u mɔmuso ka ganforo la. Fosi ma se k'u lajm bilen fo nakamaden Usumani NDOYI ka na bi sabanan kari Musitafa MENTE ka jo kono, sanga 82 nan na. Ganbikaw y'u jija ka maloya b'u nena ni bi 1 donni ye sanga 90 nan na Bayi Umaru Sanba fe. Senegali warabaw y'u ka KUPU KABARALI tanko 8 nan negeba yalon nin cogo la, ka bidonna nɔnaya tɔgo di Usumani NDOYI ma, min ye bi 5 don KUPU in kunben bëe la.

Solomani Bobo Tunkara
Basiriki Ture.

San 2001, «KUPU KABARALI» jaabiw bëe lajelen :

Kulu folɔ kunben minnu kera

Bamako ani Segu:

Mali ni Moritani : bi 3 ni 2

Benen ni Gine Bisawo : bi 2 ni 7

Moritani ni Benen : bi 0 ni 2

Mali ni Gine Bisawo : bi 2 ani 0

Moritani ni Gine Bisawo : bi 0 ni 1

Kulu filanan kunben minnu kera

Sikaso:

Ganbi ni Senegali : bi 1 ni 1

Kapu - Wéri ni Senegali : bi 1 ani 5

Kapu - Wéri ni Ganbi : bi 1 ani 1

Nana naani labanw ka kunben

Ganbi ye Mali gosi bi 1 ni 0 Segu

Senegali ye Gine Bisawo gosi bi 2 ni 0 Sikaso

Joyoro sabanannini kunben

Mali ye Gine Bisawo ci bi 2 ni 1

Bamako

Nana filà ka kunben

Senegali ye Ganbi walon bi 3 ni 1 Bamako

Segukaw bëe filan-filan na

Segukaw te ka ben u ka farikolonejeyoro kura tɔgɔko la. Dɔw b'a fe a tɔgɔ ka da Amari DAWU la, Ala k'an hine a la ! Amari DAWU ka nɔnamaya kono, a ye ko bëe kë balontan ka netaa soro la Segu kono fo ka ke sababu ye Segu ekipu min tɔgo ko «BITON» o ka ye Mali nɔnaw cema. Mɔgo wɔrew bëe yen, minnu b'a fe an k'an hakili to an benbow n'an bokolow la, k'an mununmunnin Segu taariku kono, ka farikolonejeyoro in togo da Segu faama cefarin koro do la n'o ye BAKARIJAN ye.

Segu farikolonejeyoro ye wari ladon KUPU KABARALI senfe.

Kupu KABARALI kunben hukumu kono, Segu farikolo nɔnajeyoro ye sefawari miliyon 3 ni 64.100 ladon kunben folɔ don. Kunben filanan na, u ye sefawari miliyon 3 ni 48.000 soro. Balontan mindar'okan, n'obenna nana naani kunben ma, «Da-ka-gun» farikolonejeyoro ye sefawari miliyon 4 ni kɔ ladon, k'a soro biyew ma feere dɔwɛre la ni sefawari dɔrɔme 50 ni 100 te.

Alamani binna Saralon kan Saralon ka kan ka sefawari 60.000 sara alamani ye. KUPU KABARALI sariyaden 11nan y'a jira ko jamana minnu bë KUPU KABARALI tɔn na, KUPU KABARALI man ka ka tan o jamana kelensi kɔnikun nɔnamata la, n'o te, sefawari 60.000 alamani bë bin o jamana masina kan. Saralon ma ye Mali KUPU KABARALI kene kan, o de kɔson sariya in b'u nɔname fo ka t'a jo u la.

Basiriki TURE

Segu ye lakananliyoro kura soro

Segu ye lakananliyoro kura soro Sikaso ta tɔmènen kofe. A ka baara nɔsin den Fana ni Wan sirabaw lakananli ma. A bë magenni fana ke ni kasaaraw kera. A bonya ye taari 5 ye; a nɔmogoyaso labennen don ni dumunikeyorow ni sisow ye, ani baarakeyorow ni magasanw. Magennimobilikelen b'a bolo, animobili kelen wɔre min bë baara caman ke. «PMU» de ye nin baara pumanw ke. A musakaw bënnna sefa miliyon 300 ma. Baarakela 22 kalanna. Olu ka baara bë nɔsin mogow kalanni ma baara in kanu bë minnu na.

Mohamed Tarawele
Badama Dukure

KUPU KABARALI ḥana naani ka kunbenw

Mali ni Ganbi

San 2001, nowanburukalo tile 9, Mali samatasəgew ni Gambi ye. Da ka gun kan, KABARALI tɔgɔla «KUPU» ḥana naani kunben kene kan. Malidenw tun be se k'u dalaminékala ke fen kelen min ye, k'an cili sababu d'o kan, o ye samatasəgew ma se ka lafiya soro i n'a fo Ganbi. Tijé don Ganbi tun be kulu min na, n'a tun dagayɔro ye Sikaso ye, jamana saba dɔrɔn de tun be yen, k'a soro. Mali ka kulu tun ye jamana naani ye. O koro ye ko samatasəgew ye səgen min ke, Ganbi m'o gɔgnna ke, bawo u ka kunbenw tun ka ca n'u ta ye.

N'an y'a laje ji nəmajolen na, an b'a ye k'o dalaminékala te kun nənama ye, k'an b'an sinsin o kan, k'an gosili turu d'o lafiyabɔbaliya kun.

Ganbikaw nana ni tajurusara dusu min ye samatasəgew kama, obusan tun da de ka farin.

U labennen donna Mali kono sira bəə kan : balondonniya ni kolo ni fasa, ka na samatasəgew b'u ja kan. O ye fen ye, min ma bali ntładənbaga caman na, bawo kabini kunben ninnu damine na, Mali porokotora fo sige fila. A folo, an ni Moritanikaw y'an disi da nɔgon na. O ntłaci sanga 45 fɔlɔw kono, samatasəgew ye bi 3 don Moritanikaw la. Nka ntłaci kunfilanan kera Mali bolodusukasini sɔnja ye, bawo Moritani ḥanaw nana yelema samatasəgew kan, ka bi 2 bɔ an ka bi 3 la, k'u sigi an da la, k'a nini cogo bəə la k'a ke filaninbin ye wali k'an walon yere n'u ma dəsə. Samatasəgew porokotora uka kuwaba folo la. Kabini an ye Mali ḥanaw ka balontancogo ye o don folo la, sigasiga donna an dusukun na.

Samatasəgew y'u dəsəm-dəsəm o de la sa, fo ka na se ḥana to naani ka kunben kene kan. Kolosili min kera k'a ne, o ye Malijolakanabaga Hame JALO ka jasigibaliya ye, bawo samatasəgew ka kunben folow biw bəə fiñ bɔr'ale de la

O de kɔson, Ganbika Idirisa SCKO ye balon numan kelen min cros sanga 66 nan na, o m'o bila ka teme. A'y'o walon samatasəgew ka coko, coko je wəgə, segukaw, wagalen na. Wa samatasəgew n'u wagalen na. firifiri, ka ko bəə ke, u ma se ka Ganbi ka bi 1 in bo fo ka taa balontan ban. Kunben in joré mintun be samatasəgew

degekaramogo kura Hanri KASIPERIZAKI la, a ma taa k'a dan, bawo a sago tun ye a ka denmisənw yeli ye ḥana fila kunben kene kan.

A y'a jira k'a jiginna Geyi n'a wəgətətə na, bawo u ma KUPU KABARALI mine fen səbe ye, u m'u yere d'a ma. O temenən k'o, samatasəgew bogø tun ka fegen ganbikaw kɔrɔ, minnu tun falen don u ni na wa u tun ma səgen kosebə. KASIPERIZAKI nan'i miiri ko baara nɔgon t'a bolo sanni KUPUDAFIRIKI ce, bawo ni ntłatanna galabukənəw t'i bolo, minnu falen don u ni na, fen bəə be kun minnu na, w'u be balon fana kolonkolon a ne tan ni fila bəə ma, i ma tila folo.

KASIPERIZAKI y'a ye Ganbikaw be ka Bubakari Geyi ni Berehima Tarawele ni Sajo Baba Sise foroki cogo min na, ka teme u la ni balon ye, i b'a fo ko mɔgo t'u ne, a y'a jira o yɔrɔ la ko n'a bora an ka jamana ḥanaw la, minnu be k'u jeniyɔro fin Mali kɔkan, belebeleba be sokon ḥanaw je. A dun nininen don a fe, a k'a laje ko sokon ḥana dɔw ta, minnu bəna kɔkan samatasəgew dafa. Malibonna waraba minnulakodonnen don jamana kɔnɔ, n'o ye Buramabilen ni Disa ni Sunkalo ni Sheki Dabo ye,

Ganbi jɔlakanabaga Musitafa Menta y'i tulon ke, olu bəə la. U si ma se k'a bɔ a ja kan. o temenən k'o, Ganbikaw ye ko bəə ke k'u ka jɔda tige an ka bidonnaw na. Yaya Disa banana lafiyabɔ waati. KASIPERIZAKI ye Tenemən Njayi ladon o no na, nka o si ma fen ne samatasəgew ka ntłaci la. Ganbikaw tun bəna dɔ fara u ka bi kan ni Aruturi Gomezi ka balon goni dɔ ye, mingosira jojiri la ka tila ka segin kene kan. O tun bəna ke bi kolonba ye, Hame Jalo tun bəna min togo ta, bawo kabini KUPU KABARALI darmenə Hame Jalo ma se ka balon numan kelen mine konuman. Halini Ganbika kunben waati temenə fo ntola jaratigəbaga ye sanga 5 far'a kan, on'a taa bəə, samatasəgew ma se ka wo ye Ganbikaw kun. Tuma bəə u ben'u t'ula, i ko kogo jɔlen d'u ne. Mamadu KANTE yere min jateken don k'a ke Mali bidonnaw ka ḥana folo ye, nali «n fɔr'i k'o» tun ka fisa o ye. Nin sebaaya ye Ganbikaw nisondiya, bawo any'u cili min ke, a san 4 ye ninan ye, Banjuli, u yere bara KUPU KABARALI kelen in na, u nan'u tajuru sar'an na Da ka gun kan.

Modibo Naman Tarawele
Basiriki Ture

TULON

Nin desen fila dilanbaga y'a dab'a kama ka fili 10 k'u la. A'y'olu nini.



1) - Falo lamu. 2) - Senekela jnedə. 3) Falo kala nūn. 4) - Senekela kinifesen. 5) - Senekela ka fugulia. 6) - Kand dɔ be kabaa la. 7) - Jiri min be numan fe. 8) - Bintu min be senekela. 9) - Fini kelein don ka senekela senekala min sir. 10) - Senekela ja min be duguma.

JABI

Samataségew bë ka njogon faamu doonin-dooonin

Balontanka dimalidenwye, balontanna numan ka di malidenw ye, sebaaya ka di Mali ntolatan kanubagaw ye, nka fën kelen min man d'u ye, o y'u cili ye.

Samataségew mana gosi kunben o kunben na, malidenw bë tila u dalakan bëe la. O waati u bë fën bëe fo balontannaw ni njemogow ma, u bë hali fobali fo n'u dusukasira. U y'o waleya samataségew cilén kô Ganbi fe, waati min na arajomali ye kuma d'u ma, u k'u hakilinataw n'u félaw jira balontan in kan ani samataségew yëre ka laben.

Jama mana ke cogo o cogo, mogo hakilima kelen-kelen bë sor'a la. Nin don, ntolatan kanubaga do ye kuma ta k'a jira ko Ganbi ye Mali ekipu min ci bi 1 ni 0, ale b'o fe ka temé samataségew kan, minnu ye se soro Moritani kan bi 3 ni 2. Kamalen y'a jira ko Mali ni Moritani ka katabaanaani bannen kô, ale dar'a la ko fasokunmabo ekipu te Mali bolo folo : Nk'a meen o meen, n'u tora ka dalaje njogon kan, ka laben ni kunben caman ke, samataségew na se k'an jigi fa don do. Ako hali KUPU KABARALI yëre min tannen file an bara, k'an sen bo a la, n'an tun y'a laben damine kabini tumajan, a ka c'a la, a tun te taa k'an dan. Balontan dönbaga n'a kanubaga ni lafasabaga caman farala Gawusu DARABO kan k'a jira ko ce in ka kuma be kolo kan, bawo Mali balontan bë yoró min na sisán yerenitooro ni nenini ni kamajugufoté fosi ne a la. An ka kan k'a laje ni njemajo ye, samataségew mago be fën minnu na, n'olu bë se ka do far'u ka njetaa ni dönniya kan ani geleya minnu b'u kan ka latemecogo teliman jini olu la, n'o te kasi tuma temena. An bëe dalend don a la ko KUPU KABARALI tali tun bëna ke sababu ye ka do fara Mali ka daradiya n'a mankutu kan san 2002 KUPUDAFIRIKI njekor.

N'a tilal'an na fana, Gawusu DARABO k'o te dijewuliko ye, bawo hakili jumantigi bëe b'a dòn ko «kodajnjogonma bë na ni kotijé ye». O kôr ye fën min ye Gawusu DARABO bolo, malidenw bë ka fën fila njagami

njogon na, k'u sanga njogon ma, minnu te kelen ye. Malidenw ka kan k'u hakilijagabo k'a dòn ko samataségé minnuye Bamakofarikolojenajeyorom in togodalen don marisikalo tile 26 la, k'o koronbonkari, o ekipu ntolatannaw tila bëe ye ñanaw ye, minnu ka balondon ye kow ni baw tige fo k'u lase Faraje jamanaw kan, u ka baara bëe bennet don yoró minnu ma balontan ma, su ni tile. An bë se k'a folu de ye samataségé ñanaw ye, bawo olu ye Maroku ni Afiriki - Di - Sidi fila bëe don njogon na, k'an nisondiya fo k'an fili an tâasira ma. Mali ekipu min ye KUPU KABARALI tan, olu ye sokono samataségew ye, minnu ma kôgo folo, u ka laben ma dafa, u bogo ka fegén, nka o n'a taa bëe, a dòw hakili la, k'olu njogon te dijé kono. O misali ye, u dòw labilali ye KUPU KABARALI njekor i n'a fo DARU, k'a sababu k'u këbaliya ye k'u njemogow ka laadilikanw lamén. N'a fôra k'u ka fera njogon kan, u ka si yoró kelen, ka degeli ke njogonfe waati kelen na, ne tun te da u dòw kan. Balontanna min b'o ke, o ma ladamu, wa n'a m'a jija, a te taa yoró jan. O de koso, degekaramogo bë balondonbali majiginnen fisaya n'a tigilamogo ye, k'a jir'a la ko balontan bë se ka ke a kô, hali n'a da te diya ekipula. Ekipu min ye Mali jyôrò fa KUPU KABARALI la, balontanna numan damado de bë ka jini o mogow la ka kôkan ñanaw dafa. Ni kuma diyar'an da yëre, an bë se k'a fo ko KUPU KABARALI samataségew ye samataségé ñanaw dankanw wali dafalanw de ye. Tijé yëre la, minnu ye kuncébaya ni fisamanciya k'u cëma, olu bëe bë se balontan na, nka yeredon min tilal'u la, degekaramogo y'a jini u fe, u k'a laje ka segin u kô, k'u bëre ben tow ma, u te se ka balontan ke minnu kô.

Gawusu DARABO y'a jira ko samataségé minnuye KUPU KABARALI tan, olu y'a faamu ko ntolaci ye jekake yewalasa ka njogon dafa, fo ka na se yoró la, u njetugulen ka njogon jyôrò dòn, ka balon di njogon ma. O yoró la, Gawusu DARABO y'a jira ko KASIPERIZAKI

tugura SARAMAÑA kô, k'o hakilina don an ka balontannaw na. A kolosira ko Mali furadama an ka sokono ekipu balontannaw ma bolodijogonma ni njogonfa ni jekake ke balontannaw kunko ye.

Mali sokono ekipu ntolacilaw bëe bë balon tan n'u kelen togé de ye, k'a soro u mogo tan ni kelen de bë balon tan njogonfe. O dogolen te ntolatan kanubagaw n'a lafasabagaw si la an ka jamana kono.

O furance de bë Mali balontannaw ni njogon ce, minnu bë jamana werew kono ani minnu ma taa yoró si n'olu hakili la ko jama bë t'olu dörön de file.

Degekaramogo kura Hanri KASIPERIZAKI yëre da sera sokono samataségew ka danayabaliya ma u yëre la ani u nesinbaliya balontan dörön ma n'u bora kene kan. Ako halisa, an ka kan k'o geleyaw latemé, döönin bora minnu na k'a ban.

Gawusu DARABO ko tijé don sokono sanataségew man ni, nka dë bë dë yë. Misali la, a ko bi lankolonw dörön de donna jalakanabaga Hame JALO la, a ye jalaki bin min kan kosebe.

Gawusu DARABO k'a b'a jini samataségew kanubagaw n'u lafasabagaw bëe fe, u k'u bolo da u dusu kan, k'u muju samataségé dankanw kôr, bawo ji be don ko la döönin -döönin. A ko degekaramogo KASIPERIZAKI n'a ka dankan Sheki JALO be k'u laben döönin-döönin, wa u te temé u ka ko lankolon si kan. Umana fili o fili y'u la, ú b'u seko k'o latilenni na. Danaya bë ka basigi degekaramogo kura fila ni njogon ce, an tun famana fën min njogon ma, a bë san caman bo.

**Gawusu DARABO
Basiriki TURE**

"AMAP" kuntigi

Gawusu DARABO

**Mali kanw kunnafonisbëenw
baarada kuntigi**

**Nanze Samake
Kibaru**

BP: 24 Telefon: 21-21-04

**Kibaru Bugufiyé Bozola
Bamako -Mali**

Dilanbagaw ni sebënbagaw kuntigi

Basiriki Ture

Sebënbagaw kuntigi

Badama Dukure

Labugunyoro: Kibaru gafedilanbaarada

Bolen Haké 16.000

Lewisi miiri bë Tayizónni na

Angilew ka bolokurun njedonbagaba Lenokisi Lewisi ye «WBC» ni «IBF» bolokurutonw ka jönjönw ta ni tacogo numan ye. Aye lameriken Hasimu Ranmanni fana bugo. K'a to sanji 36 Lewisi y'a ka wari sörta hake se sefawari milyari 7 ma; a ye bolokurunnenajew fana sigi senkan minnu bë nafolo lase a ma, i n'a fo a ni Lameriken Mayiki Tayizónni, dijé bolokurukelaw ka ñanaya tun bë min bolo.

Badama Dukure

KIBARU KLOOFUL 2002

ZANWIYE

NTE	TARA	ARA	ALA	JUM	SIB	KAR
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			

FEWURUYE

NTE	TARA	ARA	ALA	JUM	SIB	KAR
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28			

MARISI

NTE	TARA	ARA	ALA	JUM	SIB	KAR
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

AWIRILI

NTE	TARA	ARA	ALA	JUM	SIB	KAR
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30					

ME

NTE	TARA	ARA	ALA	JUM	SIB	KAR
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		

ZUWEN

NTE	TARA	ARA	ALA	JUM	SIB	KAR
				1	2	
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30

ZULUYE

NTE	TARA	ARA	ALA	JUM	SIB	KAR
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

UTI

NTE	TARA	ARA	ALA	JUM	SIB	KAR
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	

SETANBURU

NTE	TARA	ARA	ALA	JUM	SIB	KAR
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29

OKUTOBURU

NTE	TARA	ARA	ALA	JUM	SIB	KAR
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			

NOWANBURU

NTE	TARA	ARA	ALA	JUM	SIB	KAR
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	

DESANBURU

NTE	TARA	ARA	ALA	JUM	SIB	KAR
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29

A'ye Kibaru san, balikukalandenjolenw ka kunnafonisében dafalen don

San kelen nimore 12 songo : Mali kono = Dōrome 300 • Afiriki kono = Dōrome 600 • Jamana werew = Dōrome 1000